

陵縣志

地
志

1140.153
32
1-4

凡從前之渙汗未必盡收
其修則踵於萬曆之甲辰
而以後之時事未由續入
及甲申兵燹不特簡編殘
缺失次卽棗梨莫辨魯魚

余蓋岌岌乎惧斯邑之爲
杞宋異所以維新緣民疲
力憊未遑措手乃值今

上龍飛之十有二載永清大
定又適屆癸丑之期

俞輔臣請彙修一統全書
余小臣承乏是邦恭迨元
會敢不竭蹙周諮網羅曠
逸以補當年之所未備而
效細流之會朝宗然以吳

蒙三都未賦容逞私臆漫
成一書正藉紳士仔肩而
邑之先達諸君更復謙謙
三讓余以千金之裘必需
衆腋大厦之構端庀群材

諸君始各唯唯退而蒐緝
三閱月咸出枕笥晉祈集
事余萬不獲已長簡簿書
焚膏繼晷勉步邯鄲踵前
尹孫公之轍而起鑪錘先

布大綱後分條目可因可
革遠稽往牒近採輿情寧
嚴毋濫寧簡毋蕪釐正增
芟悉準

令甲完茲具體祇期有裨

於瘠土之民無負此日之
文明運會而已若歷年滋
久剝極而亨井固不移而
邑或改竊願閱覽君子踵
事增華庶不至掛一漏萬

有美弗彰則余此日之
編闕疑傳信又爲邑乘之
嚆矢矣借曰簪筆登書克
附晉魯之後則吾豈敢

嘗

大清康熙十二年一陽月吉
賜進士第文林郎奉裁改知
陵縣事加三級前湖廣鄖
陽安陸兩府推官平陵史
颺廷昌言甫序



嘉靖庚戌夏四月子小子曷承乏以
上命知陵閩六月癸亥朔越二日記神臨
民將以視事因憚然思惕然懼慄慄以
自訟曰愚以邊鄙武冑筮仕尹邑民事
罔知邑政未諳匪有所資何以貞教軌
物是以延訪耆碩詢咨生儒復求邑志
將以觀風化之宜察民物之故徵治化

之實也二三子以無爲辭予喟然嘆曰
陵古平原地也歷周秦漢唐稱爲名郡
賢人君子生斯宦斯代不乏人豈無其
志乎然九河湮塞六典淪亡世道之大
變也歷唐而有漁陽之變歷宋而有勝
國之變此志之不聞於世也予因而深
慮徵儒官之博洽者鄉士夫之品望者

諸生之才能者分疏授簡摭拾較讐考
諸二十一史遡諸一統通志叅諸儒生
緒論摘諸元達手錄有關名教者雖微
必書無益於體者雖大不錄漸以成帙
然猶懼識見之未周也復請益於濟之
少岱谷公公黜繁就簡存信缺疑發凡
舉要緯圖法象咸以次定爲卷凡若干

體國經野以爲民極故次之地理辯方
正位以居民也故次之以建置設官分
職則地利可興而民不失業故次之以
政務政平治章則教化敷而賢才盛故
次之以開聖該古今文之變綜事務之
情莫若文字故以藝文終焉至於習尚
之因革制度之高下食貨之盈縮賦役

之繁簡巨細畢括匪有脫遺庶一方之
信史也稿脫諸生暨士夫舉欣欣然以
請曰杞宋不足徵文獻不足故也百年
缺典成於三餘顧可不以傳於後乎因
祈予叙諸首簡予媿不能文辭復不可
得姑叙諸事之顛末如左云若夫考古
今稽物理評品人物低昂政教則有矣

於後之該博君子也豈予所能知哉

嘉靖癸丑孟冬吉日文林郎知陵縣事
掄陽橐泉孫昂謹序

重修陵縣志序

蓋自嘉靖庚戌志成以迄今五十餘禩未嘗一釐正也印刷既久板册靡爛字畫彫落或漫漶焉觀者病之余有志校焉而未逮也以故陵之宦遊者五十餘禩不登册簡縣官與儒宮列師席者五十餘禩志亦弗錄且我陵

陵縣志

序

十一

明興二百餘年甲第寥寥止一朱公平端者尚籍順天非真發跡陵邑者也今

上御極壬辰以來相繼登第者三人鄉科者數人而志不與聞豈所以紀盛美而詔後人哉歲甲辰會余有保德之

命余乃以屬恩貢康士文鄉進士張伯常宋志鄉相與釐正其漫漶而增益其遺

缺越兩月始成余將行諸君復請不佞者序焉夫釐正此余夙志其又何辭第陵之先賢名傑地里人物志已載之不具論顧余蒞茲五載其風俗人情有志之所不盡者業於五載間志之胸中久矣請言其槩夫陵平原故址也其地無高山危巒其野少荆棘叢雜馬夾兩渚

徑流直下無委蛇旁分之勢故其人情亦平坦質實機智不生北近燕而不善悲歌東南近齊而不善誇詡余雅愛其俗而不忍以苛刻督治之理訟之日其民卒吐露情實間有一二豪猾稍肆欺僞亦廉得其狀卒歸吐露蓋五載之間余亦不忍以飾僞相接者五年如一日

也蓋因俗以成其美耳寧有他能哉癸卯冬

天子勅命文明曰安德民醇俗茂爾復以
悃悃鼓舞之

天子明見萬里外矣是陵俗醇厚且得上
聞豈其泄茲者阿所好哉時將去陵適
晉安得保德人士如陵俾撫民者順而

治之耶余故因志成而序其陵志之亦
備者如此

萬曆甲辰仲冬吉旦知陵縣事陞保德知
州永年宋文明序

陵縣志後序

嘉靖癸丑冬陵志成我侯橐泉孫公序
諸簡端矣思謬叨陵訓濶觀厥成敢申
明於末簡粵昔明道尹上元嘗修縣乘
曰此居官第一義也晦翁軍南康下車
之初卽加修集彼大儒也豈區區文字
者昭政紀言垂憲示戒志實急焉是故

君子先之今志釐爲八卷事蹟載於前
藝文列於後事蹟之志仰觀天文俯察
地理中通人事盡物情莫非政也而臧
否係之矣藝文之志彰善樹聲直已陳
志就事宜猷莫非言也而是非係之矣
臧否是非備載於志君子得以考於斯
焉自當有以辯之而鑒戒昭矣如此而

治取舍極定天下幾而理矣故曰昭政
紀言垂憲示戒志莫急焉我侯之涖陵
也事功殊爲卓越如興文學以首風化
崇忠祠以彰節義均里甲以恤民窮修
城池以豫民患抗疏議以陳時專善政
徽猷不可殫述咸足以昭軌貞度鄉太
史少岱谷公邑士夫鑑塘李公庠生奇

臺馮子輩思與天下公共之是故載誌
列傳刻在編目矣若侯是之修也與程
朱二公之心皆先要也其政事六章載
與不載侯不與焉

嘉靖癸丑孟冬吉旦訓陵縣學事南城
慎吾梅思謹叙

重修邑志後跋

天子御極之十有二載聲教四訖一統告成而方輿之志未上何以知今時土物之沃瘠民俗之淳漓吏治之純雜爰

命 大宗伯下檄直省分屬郡縣各修厥志彙集全書以昭

陵縣志

跋

一

當代之獻典邑 父母史侯奉令日

陵前志簡略殘缺磨滅舛訛幾無粉本又老成凋謝求野無徵其難其慎進僕等於庠而謀傳此方甲子兩週之信用俯輶軒委僕從事慮生也晚

都人之盛未及躬逢兵燹之餘不遺笈秘惧滋蚩負辭而弗獲因會同里

孝廉李君暨家季周咨博採自夏徂
秋閱百旬各舉管窺之見聞進諸邑
父母祈効如椽之釐正既脫稿付梓
乃猶美不自有歸我邑人僕等自揣
謏劣僅以斧鋸餘工曷敢承六匠之
讓善而不書其畫宮於堵鼎建年月
日言之成勞繼自今邑有信乘約而

有要裁而有體克稱全瑜侯且可以
上報

大廷僕亦竊附驥塵得與於執用之列

矣客復有爲僕惧者設有罣漏或拂

人情僕曰否否昔孫登春秋曾怒桓

溫魏收獨取贈以百斛使各不浮實
好不阿私則又遑恤我後若方策之

秒例得拜手告竣援穎而識之於左
厭次里人康溫采謹跋